



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Widmung

**urn:nbn:de:hbz:466:1-13589**

# ILLVSTRISSIMIS, AC REVERENDISS. DD.

DD. Iacobo Episcopo Portuensi Sabello,  
Ioan. Francisco Episcopo Prænestin. de Gambara,  
Ludouico tt. S. Anastasie Madrutio,  
Iulio Antonio Sanctorio tt. Sancti Bartholomæi in  
Insula S. Seuerine,  
Petro tt. S. Hieronymi Illyricorum Deza nūcupatis,  
Ioan. Antonio tt. SS. Quatuor Coronatorum,  
Ioan. Baptiste tt. Sancti Marcelli, &  
F. Constantio tt. S. Petri in Monte Aureo,

Presbyteris miseratione Diuina  
S. R. E. Cardinalibus in  
vniuersa Republica Christiana  
aduersus hereticam prauitatem  
Generalibus Inquisitoribus à Sancta Sede Apostolica  
specialiter deputatis.

FRANCISCVS PEGN̄A.



PRIMA suadebant, Illustris. & Amplis. Patres, vt in illustrando & perficiendo egregio Directorij Inquisitorum opere, omnem nostram diligentiam, studium, sollicitudinem, & laborem adhiberemus. Primum communis vtilitatis amor, tum non medioere commodum, quod inde omnibus hæreticæ prauitatis Inquisitoribus euenturum haud dubiè sperabatur: tum verò in primis iustissimum illud vestrum, pium, ac verè catholicum desiderium, quo tanquam integerrimi, & acerrimi, fidei, Christianæque Religionis defensores, ob publicam vtilitatem optabatis, vt quam absolutissimum opus prodiret in lucem. Hæc enim effecere, vt plus quam integri quinquennij spatio, ex quo cepimus huic operi illustrando operam dare, vsque in præsentem diem, nihil magis diligenter cogitauerimus aliud, nihilque moliti fuerimus præter emendationem, & interpretationem illustris operis; coactique sumus in tenuibus hæc nostris vigilijs, è breuitatis sæpè limitibus egredi: tum quia opus ipsum vetustum, & sæpè ob breuitatem obscurum, ita fieri postulabat: tum vt Inquisitoribus valdè occupatis satisfaceremus, eosque liberarem molestia multorum aliorum librorum euoluendorum. In his nostris Commentarijs relecta procul disputandi subtilitate, secuti sumus, vt plurimum communes sententias, & eas, quæ sine vilo erroris periculo possint obseruari. In dubijs, & grauioribus causis Inquisitores ad supremum Sacrosanctæ, & Generalis Inquisitionis Romanæ Senatū, cui vos prudentissimè, & vigilantissimè præstis, destinamus, seu remittimus. In multis stylum, & consuetudinem eiusdem Sacri, & supremi Senatus indicamus, & obseruandum monemus: ac ita (nisi fallimur) cuncta, Deo Opt. Max. aspirante, disponimus, vt pauci difficultatum articuli in hac causa parum explicati relictis esse videantur. Quod si quandoque fortassis (vt quibusdam videbitur) nimis leuiter in nonnullis articulis, ac difficultatibus de puniendis hæreticis locuti sumus, veluti de Hæresiarchis, siue dogmatistis, quos nonnulli è nostris curiæ seculari tradendos omninò arbitrantur, & de alijs nonnullis, vt disputationum series indicabit, non id facimus, vt hæreticis fauceamus, quos & acri odio prosequimur, & penitus extirpati cupimus: sed quia nec contrarium apertò iure statutum videbamus, nec sacri Tribunalis Romanæ Inquisitionis vsu, aut consuetudine receptum, vt vel hac etiam benignitate conuertantur, qui virtutis, & veritatis amore à maleficio non submoventur. Hoc potestremo cupimus, & exoptamus, religiosissimi Principes, vt hos nostros qualescunque labores, benignè (vt soletis) accipiatis, sintque apud Vos velut certissimum pignus, & arrha prompti, ac parati animi nostri ad subeunda quælibet alia quamuis grauiora onera, inseruiendumque Sacro Inquisitionis Senatui, quoties, & oportuerit, & idoneos nos ad id iudicaueritis. Deus Opt. Max. diu Vos conseruet incolumes, vt negotia sua in Christiana Republica, vt facitis, integerrimè tractare possitis.